

STATEN di ARUBA

Fraccion di Movimiento Electoral di Pueblo



Na Presidente di Parlamento
Sr. P. Croes
Presente

Aruba, 20 augustus 2010

Topico: preguntanan relaciona cu trabownan den Centro di Oranjestad

Respetable Presidente,

Pa medio di e carta aki suscrito, den nomber di Fraccion di MEP den Parlamento, ta haci un peticion na bo persona pa entrega e siguiente preguntanan dirigi na Minister di Infraestructura, a base di articulo III.17 di nos Constitucion, y articulo 59 di Reglamento di Ordo di Parlamento.

Atentamente,


d/s. C.A.S. D. Wever

PREGUNTANAN PA MINISTER DI INFRASTRUCTURA


Ultimo lunanan nos a tuma nota di e hecho di trabownan a ser hasi den cayanan den centro di Oranjestad. Nos a compronde cu hopi cambio a ser hasi riba e proyecto original, cu consequentemente por bisa cu mapanan nobo mester a ser produci

En bista di esaki, nos tin e siguiente preguntanan, a base di articulo III.7 di nos Constitucion y articulo 59 di Reglamento di Ordo di Parlamento di Aruba.

1. Minister por a informa Parlamento si tabatin cambionan a ser hasi den e proyecto original?
2. Si contesta riba pregunta no.1 ta afirmativo, minister por a informa Parlamento kiko e cambionan aki ta encera y e motibonan di esaki?
3. Si contesta riba pregunta riba no.1 ta afirmativo,minister por informa Parlamento si tabatin cambionan tambe den e mapanan? Si acaso esaki ta e caso,minister por informa Parlamento cua compania a pinta e mapanan cu e cambionan?
4. Minister por informa Parlamento si tabatin un destaho publico of un procedura di oferta al respecto? Y si esaki ta e caso,minister por hasi entrega di e documentonan al respecto?
5. Den e caso cu NO tabata tin un destaho publico of un procedura di oferta,minister por informa Parlamento e motibo cu no a hasi esaki?
6. Minister por a informa Parlamento cu si acaso no tabatin un destaho publico cu si FDA (pa motibo cu e proyecto aki lo ser financia for di e fondo aki) a bai di acuerdo cu esaki? Si esaki ta e caso,minister por a duna Parlamento copia di esaki?
7. Minister por informa Parlamento den e caso cu FDA no ta exigí un procedura transparente ora di otorgamento di proyectonan mas,ki dia FDA a tuma e decision aki y si Parlamento por haya copia di dicho decision?

Nos lo aprecia si Minister por contesta e preguntanan aki por escrito mas pronto cu ta posibel.

Atentamente,



drs. C.A.S. D. Wever